

Tin un Fundacion di Padu cu tabata inventarizando tur su material

ORANJESTAD(AAN):

Diahuebs e noticia tristo a drenta cu Juan Chabaya Lampe, mihor conoci como "Padu del Caribe" como tata di cultura di e isla, a fayece.

E ta ser mira principalmente como co-autor di e Himno di Aruba.

E bon noticia ta cu tin un asina yama Fundacion Padu y nan ta hustamente trahando riba e partituranan. E fundacion a bay cas di Padu, nan a haci un inventarisacion di tur Padu su materialnan, tanto su musica, su pinturanan, su escritura.

Claro, Padu ta un persona na polyfacetico. E ta com-



pone, toca, pinta y skirbi. Ta hopi material tin pa documenta y nan ta bezig ta digitalisando awor aki tur su cassettenan. Tin caha cu 500 cassette, cu hopi cos cu nunca a worde skirbi.

Partituranan cu si no

mir'e skirbi kisas nunca lo bay worde toca. Nan ta den e proceso. Mester ayudo si. Cualquier musico profesional cu kier duna un man pa skirbi partitura of yuda den e proceso di digitalisa, sigur por tuma contacto cu

e fundacion Padu. Un fundacion na su honor.

Vivian Lampe ta un miembro, pero e directiva diario, Landa Henriquez ta e presidente y Alice van Romondt ta vice presidente. Tin tambe Robert Kip como tesorero. Tambe tin mas hende cu ta den e directiva diario.

Awor aki tur material a bay na Unoca. A haya un espacio, pasobra na Padu su cas, tur cos ta habri, ta stof ta come tur cos. E cosnan aki mester worde warda cu airco, bon protehi. Unoca a sta af un ruimte unda cu tur cos a worde hiba eynan. Tur su correspondencia, tur cassette, tur e musica cu

nan ta trahando riba dje, ta na un luga safe na Unoca.

E proyecto aki, ta bay un tiki poco poco, pero e ta bayendo. El a cuminsa coy un tiki speed. E por dura algun aña. Por lo menos 3 pa 4 aña prome cu por bisa cu tin basta cos skirbi. Awor aki ta 25 piesa tin skirbi. Johnny Croes a saca den un buki cu su partituranan. Pero tin pa saca por ta dos of tres of hasta cuater buki pa por tin algun documenta. Tin mas hende cu kier participa pa skirbi, pa asina e musicanan aki keda pa generacionnan cu ta bin, voral e hubentud por bay sigui gosa di e bunita musica di Padu.